



**Quæstionum Canonicarum, In Quinque Libros  
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur  
De Judiciis, Foro Competenti, Libelli Oblatione, Mutuis petitionibus, ...

**Krimer, Ferdinand**

**Augustæ Vindelicorum, 1708**

§. I. An confessio judicialis requirat sententiam definitivam Judicis?

---

[urn:nbn:de:hbz:466:1-73001](#)

enim Reus cogetur respondere, vel confitendo, ut probatione alia opus non sit; vel negando, quo casu postulante Episcopo, seu judice, dispensationem exhibere debet; cum hæc sit quasi exceptio rei, cuius probatio ipsi incumbit. Qualiter autem excusari possit Reus à præsumpta confessione in casu, quo recusat respondere ad positiones Actoris, ut non habeantur pro Confessis, diximus à num. 733. & 755.

## ARTICULUS III.

## De effectu confessionis judicialis.

proprii Oris sit plenissima probatio; 2. quod etiam admittatur contra præsumptionem juris de jure, ac eam tollat; 3. quod inducat notorium; 4. quod etiam admittatur post conclusionem in causa; 5. quod super ea sententia ferri possit; esto alias processus, propter non servatum juris ordinem, sit nullus; 6. quod convictus, & judicialiter confessus, appellare non possit; immo etiam tantum confessus, licet alijs probationibus non convictus; sic Maranta tit. de Confess. p. 6. à n. 21. Covarr. practic. qq. c. 23. n. 5. Abbas inc. cum speciali 61. §. porrò, de appellat. à n. 5. Verum hæc intelligenda sunt de confessione judiciali, spontanea, & habente omnes conditiones, de quibus à n. 1394. his positis:

q. I.

An confessio judicialis requirat sententiam definitivam Judicis?

**1413.** Recipuum hujus Confessionis effectum DD. constituant in eo, quod in civilibus contra confidentem pariat plenam probationem adeò quidem, ut eo ipso talis confitens contra se, vi datæ confessionis, habeatur pro judicato, consequenter æquivalat sententia, ac rei judicatae quoad ipsum confidentem; non autem quoad alium; per L. unic. c. b. t. ibi: confessos in jure, pro judicatis haberi placet; quare sine causa desideras recedi à confessione tua, cum & solvere cogeris; & L. Confessus. 1. ff. eod. ibi: confessus pro judicato est, qui quodammodo sua sententia damnatur. Dixi 1. contra confidentem; nam quando quis confitetur in jure pro se, seu in suum favorem, fides ei non habetur, ut notat gloss. in dict. L. unicam. V. solvere; tum quia nulli creditur in propria causa, per L. 11. ff. de interrogat. in jure faciend. §. 1. ibi: si quis, cum haeres non esset, interrogatus responderit, ex parte heredem esse: sic convenietur, atque se ex ea parte haeres esset: fides enim ei contra se habebitur; tum quia nullus idoneus testis in re sua intelligitur per L. nullus 10. ff. de testibus. Dixi 2. in causis civilibus; nam de criminalibus dicemus à n. 1418.

**1414.** Præter hunc effectum, confessioni judiciali tribuuntur etiam sequentes. 1. quod superet omnes probationes, factas in favorem confidentis contrarium; confessio

Prima sententia affirmat ex L. Julianus 1415. 3. ff. b. t. ibi: Julianus ait, confessum certum se debere legatum, omnimodo damnandum, etiam si in rerum natura non fuisset, et si jam à natura recessit: ita tamen, ut in estimationem ejus damnetur: quia confessus pro judicato habetur. Deinde, de qua re cognoverit Judge pronuntiare quodcunque cogendum erit, juxta L. de qua re 74. ff. de Judic. id, quod etiam habetur ex L. fin. C. de execut. rei judicatae, ibi: Eos, quos debitores tuos esse contendis, apud Rectorem conveni Provinciae: qui, sive debitum confessi, sive negantes, & convicti fuerint condemnati, nec intra statutum spatium solutioni satisfecerint: cum lata sententie, pignoribus etiam captis, ac distractis, secundum ea, que sape constituta sunt, meruerint executionem, juris formam tibi custodiet; sic affirmantes.

Si opponatur huic sententiae. L. proinde 25. ff. ad L. Aquilam, ubi dicitur, quod nulle partes sint Judicantis in confidentes, nisi in condemnando; 2. L. qui Stichum 5. ff. b. t. ubi dicitur, qui Stichum se debere confessus est, condemnandum esse, saltem in estimationem; 3. quod confessus pro judicato habetur, ut di- Etuna

Etum est? ad hanc respondet: ad 1. ex L. proinde aliud intendi, quam, quod nullae sint partes judicantis in confitentes, quoad probationem; nam propria confessio est optima omnium probatio, non autem quoad pronuntiationem, quā finiatur, seu concludatur in causa. Ad 2. ex L. quā stichum, Resp. verum esse, confitentem esse condemnandum saltem in aestimationem; sed per Judicis pronuntiationem definitivam. Ad 3. Resp. quando dicitur confessum haberi *prjudicato*, non nudè dici, sed cum addito, *quodammodo*, seu fundamentaliter, nimisrum aliquo modo, quatenus confessio propria præbet fundatum proximum definiendi causam ex propria confessione; non autem formaliter. Hanc opinionem suam affirmantes confirmant ex c. *Cum super 2. b. t.* quoniam V. Canonicus Bethlehem fuit in iure confessus, quod pro præstanto alterius electioni consensu, quingentorum Saracenorum obligationem receperat, & mediator extitit Simoniacae pravitatis: Nos (quoniam vitium hujusmodi persequi volumus, ut debemus) *ipsum per definitivam sententiam duximus ab omni beneficio, & officio Ecclesiastico deponendum.*

1417. Hanc opinionem rectè limitant aliqui, ut omnino requiratur sententia, quando Confessio facta est post litem contestatam (sic enim locus est juribus n. 1415. allatis) non autem, si ante; quia tunc non est propriè cœpta cognitio causæ, atque adeò sufficere præceptum Judicis de solvendo. Alii volunt, requiri sententiam, quando proceditur servato ordine judiciatio; ubi autem solum de plano, & sine forma judicii, sufficere præceptum Judicis; & sic exponunt sub hac distinctione leges in num. 1416. propositas contra i. sententiam. An autem & qualiter confessio ab uno litigantium facta in judicio revoçari possit? diximus in præced.

1418. Dixi superius n. 1413. quod in *civilibus* confessio propria in judicio facta plenè probet contra confitentem; nam secus est in *criminalibus*, sive ante, sive post litem contestatam facta sit; tum quia in his causis etiam *sponte* confessus non habetur prædicato, seu condemnato; idquè propter maximum præjudicium, & periculum, quod in ejusmodi causis vertitur; tum quia nemo tenetur ad pœnam legalem ante

Judicis sententiam; & constat aperte ex L. Si confessus. 5. ff. de custodia, & exhibit ibi: si confessus fuerit Reus, donec de eo pronuntietur, in vincula publica consciendus est; ubi gloss. lit. Z quod confessio Rei de crimine solum aperiatur viam Judicii, ad majorem inquisitionem.

## §. II.

An, & qualiter confessio unius probet etiam contra alios;

1419. Cum sepiùs contingat, quod quis in iudicio fateatur crimen, a se commisum, & hoc confitendo, etiam tangat alios (v. g. dicendo, se ab his, vel illis ad tale crimen perpetrandum esse instigatum, iussum, compulsum &c.) dubitari quandoque potest. 1. an confessus in iudicio criminis proprium, teneatur fateri complices criminis? 2. an ad solum dictum confitentis crimen proprium, & nominantis complicem, huic pœna infligenda sit? Resp. de hoc casu dici aliquid in c. *Cum Monasterium i. h. t.* ubi, cum Sacerdos in iudicio confessus fuisset, adjiciens id factum esse ex suggestione, seu falso aliorum; quarebatur, num isti pœnae subjiciendi essent, seu quod idem est, sufficienter ad illius dictum probentur Rei criminis, ut propterea justè puniri possint? respondit Clemens III. *nisi a liis modis verum esse constituerit, nulli ce semus pœna subdendos: cum, secundum uni triusque juris statuta, de se confessi, super aliorum conscientiis interrogari non debeant, & (crimine laœ majestatis excepto) de reatu proprio confitentis periculosa confessio non sit Adversus quemlibet admittenda. Si tamen eos in familia hujusmodi laborare cognoveris, singulis eis (adjunctis tribus sociis sui ordinis) purgationem in jungas.*

1420. Antequam respondeamus ad quæstionem propositam, conformiter ad c. *Cum Monasterium i. h. t. not.* i. tribus modis contingere posse, ut de se confessus interrogetur de aliis, scilicet per tormenta ad eruendam veritatem, L. prius, ff. ad Syllan. vel sine tormentis, ut faciat saltem indicium ad inquirendum; L. ult. C. de accusat. c. 3. ubi glossa, de testibus; vel tanquam testimoniis,